



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

2. Ephræm iuuenis quàm mirabili prouidentia Dei in carcerem sit coniectus?

**urn:nbn:de:hbz:466:1-45699**

eo erat, vt quid cum tali viro sanctis moribus aptissimum colloqui vellet, cogitaret. Sic cogitabundo statim prostituti pudoris mulier occurrit, in quam Ephræm, cùm sic præter spem incidisset, constituit, defixis eam intuens oculis, & quasi emotæ mentis tristisque, quod non, vt precatus fuerat, sed contrarium potius evanisset. Formina, cùm sic ab eo se vidisset curiosè obseruari, noluit superari curiositate, quare in eum vicissima oculos amatoriè concitat, petulantiam ipso vultu professa. Diu sic fixi stetere, atque se inuicem aspexeré, diuersis tamen de caussis. Nam illa corpus, Ephræm anima cupiebat lucrari. Quare vt eam in ruborem darer, atq; ad verecundiā, quæ mulieres maximè decet deduceret: *Quid vero, inquit, non erubescis, mulier, tam fixis oculis me intuens? Quid expectes? lingua, tamquam sicam, mulier habet in promptu Exemplò igitur ait: Conuenit nihil te sic aspicere, ex te enim sumptum, & tuo latere. Te vero, non nos, sed terram potius oportet aspicere, ex qua ipse sumptus es.* Hæc cùm Ephræm, præter omnem expectationem, audijsser, mulieri confessus est, magnas se habere gratias, propter eam, quam ab ipsa acceperat, sermonis utilitatem. Deoque etiam gratias egit, qui per ea, quæ præter spem accidunt, sœpe potest facere, quæ ipsam spem superant.

## II.

*Hoc in vita ipse fuerit? Audite nunc quæ Deus huic viro permiserit contingere; immo quæ immiserit adhuc iuueni, & audite ipsum apud suprà citatos scriptores, his ferè verbis ea enarrantem. Apipst⁹ Ephræm rentibus in suburbium missus aliquando, in medio nemore, ab ipsomet narratur tom. 2. p. 162. tom. 3 p. 599.*

Videris Dei erga Ephræm curam? videtis, qualis Ephræm in nocte oppressus sum. Opiliones, qui gregem in filia pascebant, occursantes querunt, quod sub imminentem iam noctem tendam? Missu parentum, inquam, ad suburbium illud propero. Diverte, inquiant, ad nos; occiduum iam solem vides, prima luce reliquum viae decurres. Victimis humanitate, pastorū mapalibus succesi. Sed, intempesta nocte, ouilib. insidiatae ferae gregem inuaseré, tota filia distulere. Postera die magistri pecoris caulas inanes conspicati, me furibus ducem rati, nequidquam Diuūm hominumq; fidem implorantem prætori vincitum sistunt, qui custodiæ mandatum, duobus reis adiunxit, quorum vterq; exors criminis, cuius affinis putabatur; occulta tamen vindicta Numinis utrumq;

nis vtrumq; prosequente, in suspicionem alter cædis, alter adulterij inciderat. Iam quadragesimum diem in carcere trahebam, cùm se dormienti species ephebi vultu formidabilis offert, qui me tam placide affatus: Ephrām, inquit, quis te casus tulit in vincula? Domine, inquam, aspectu tuo percussus totis artibus contremisco, fatiscōque. Pone metum, inquit, & caussam vinculorum expone. Domine, inquam, missu parentum in suburbium festinabam, sed tenebris occupatum custodes pecoris in tugurium inuicarunt; interim de nocte gregem lupi inuadunt, ac tota silua dispergunt. Hinc ego, postera luce, à pastoribus arbitrantibus, ductu meo prædones ad ouilia penetrasse, ad prætoria vindictus, quamvis insens meramque calumniam passus, raptus sum. Heu quali me portento inuoluit fortuna? an potius Deus, sine cuius autu nihil accidit?

Quid hic vltérius Ephrām vel dicere potuerit, vel cogitare, facile quis de seipso coniūciet. Nam iam parentum, ex amissione filij tam chari, dolor illi ob oculos versabatur; iam carceris pædor, & diuturnitas; iam innocentia conscientia certò scientis, sc̄ hic ream non esse; iam torturæ metus; iam malitia aut suspicio tam perniciosa pastorum; iam iudicis severitas; iam ipsius Dei omnia videntis, & prohibere tantam iniuriam potentis, durissima permisso. Multi vsque ad impatientiam, & blasphemias proru-  
pissent, dixissentque, *Qui non deliquit, decet Audacem esse confidenter* Plant in Amœ  
prose, & protervè logui. Non fecit tamen hæc Ephrām. Sed se sua phit,  
que omnia D̄eo permisit, & ad preces configuit; mansuetaque  
oratione ephēbo querelam obtulit, se esse innocentem. Hic mihi  
iam adeste, quicumque vos sine peccato esse putatis, & innocentiam semper obtenditis, Deumq; de iniustitia, & peccato argue-  
te vultis, quoties vobis aliquid est patiendum; quoties contume-  
lia, iniuriaque irrogatur; quoties filius moritur; aut villa incen-  
ditur. Nimirum nulli mortalium iniuria sua parua videntur: multi Sallust, in  
ea granis equo habuere.

Angelus (aliud enim non fuit Ephebus ille) audita adolescen-  
tis Ephrām querala, renidenti vultu: Noui, inquit, ego te  
extra crimen hoc positum, impactamque tibi puram putam ca-  
lumniam; sed nondum satis versatus es in diuinis iudicijs agno-  
scendis.

III.